

दारुडिया ने अलगो बाल रे,  
भूड़ी आवे वास ।

श्लोक राम राज में दूध मिलियो,  
कृष्णा राज म घी,  
इन कलयुग में दारु मिलियो,  
वीरा सोच समझ कर पी ॥

दारुडिया ने अलगो बाल रे,  
भूड़ी आवे वास,  
भूड़ी आवे वास रे,  
तन रो कीनो नास रे,  
दारुडिया ने अलगो,  
दारुडिया ने अलगो बाल रे,  
भूड़ी आवे वास ॥

सगा समन्धी आवे,  
वे बैठा बैठा भाले,  
बैठा बैठा भाले,  
वे सुता सुता भाले रे,  
दारुडिया ने अलगो,  
दारुडिया ने अलगो बाल रे,  
भूड़ी आवे वास ॥

काम काज तो करे रे कोनी,  
सिधो ठेका में जावे,  
वेगो उठेनी ठेका में जावे,  
लांबी गाला बोले रे,  
दारुडिया ने अलगो,  
दारुडिया ने अलगो बाल रे,  
भूड़ी आवे वास ॥

पाँव भरियो पिनो पचे,  
मल मूत्र में पडियो,  
थोड़ो पिदोनि घणो चडियो ,  
गादा कीचड़ में पडियो रे,  
दारुडिया ने अलगो,  
दारुडिया ने अलगो बाल रे,  
भूड़ी आवे वास ॥

घर मे तो खावानी कोणी,  
लेवे मिनकारी उधार,  
टाबरिया तो भूखा मरे,  
पचे भीख मांगणी जाये रे,  
दारुडिया ने अलगो,  
दारुडिया ने अलगो बाल रे,  
भूड़ी आवे वास ॥

संत महात्मा केवे,  
दारुणी दोष बतावे,  
खबर पड़ी तो मती पियो ,  
थारो जनम सफल हो जावे रे,

दारुडिया ने अलगो,  
दारुडिया ने अलगो बाल रे,  
भूड़ी आवे वास ॥

“श्रवण सिंह राजपुरोहित द्वारा प्रेषित”  
सम्पर्क : +91 9096558244

Source: <https://www.bharattemples.com/darudiya-ne-algo-balo-re/>



# Bharat Temples

Complete Bhajans Collections - Download Free Android App  
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>